

**Uunga siunnersuut Ilulissani imeqarfíup siunissami nunap qeriuannartup
aakkiartuaarnerani atuutiinnarsinnaanera qulakkeerneqarsinnaanersoq kiisalu
amittorsuup tasia imeqarfíssatut periarfíssatut tulluussinnaanersoq pillugu
Naalakkersuisut nalunaarusioqqullugit peqquneqarnissaannik Inatsisartut
aalajangiiffigisassaattut siunnersuut**

Inatsisartuni ilaasortaq Aqqalu C. Jerimiassen, Atassut

Pillugu

Sanaartornermut Ataatsimiititaliap

Siunnersuutip aappassaaneerneqarneranut

ISUMALIUTISSISSIONAA

Ataatsimiititaliap suliarinninnermini ilaasortarai:

Inatsisartunut ilaasortaq Kristian Jeremiassen, Inuit Ataqatigiit, Siulittaasoq
Inatsisartunut ilaasortaq Bentiaaq Ottosen, Atassut, Atassut, siulittaasup tullia
Inatsisartunut ilaasortaq Mikivsuk Thomassen Harald Biancomut sinniissutut, Inuit Ataqatigiit
Inatsisartunut ilaasortaq Jens Kristian Therkelsen, Siumut
Inatsisartunut ilaasortaq Lars Poulsen, Siumut

UKA 2023, ulloq 12. Oktober 2023-imi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Ilulissani imermik pilersuineq siunnersuuteqartup ernumanartoqartippaa. Nunap qeriuannartup aakkiartuaarnerata kinguneranik erngup imerneqarsinnaasup immap tarajuanik akoqaleratarsinnaanera siunnersuummi tunngavilersuutigineqarpoq. Nunap qeriuannartup allanngorneranik imermik pilersuineq sunnersinnaavaa soorlu aamma aalisakkanik tunisassiornermut sunniuteqarsinnaasoq. Amittorsuup tasia imeqarfíssatut piukkunnarnerusoq siunnersuuteqartoq isumaqarpoq. Taamaattumik siunissami Ilulissani imermik pilersuinerup Naalakkersuisunit qanoq qulakkeerneqarnissaa pillugu Naalakkersuisut nalunaarusiamik siunnersuuteqartup suliaqaqquai.

Siunnersuutip Inatsisartunit siullermeerneqarnera

Aalajangiiffigisassatut siunnersuutip siullermeerneqarnerani siunissami imermik pilersuinerup qulakkeerneqarnissaa amerlanerussuteqartunit taperserneqarpoq.

Partiinit amerlanerussuteqartunit Naalakkersuisunit allannguutissatut siunnersuutigineqartoq taperserneqarpoq.

Allannguutissatut siunnersuut

Siunnersuutip siullermeerneqarnerani Naalakkersuisut akissuteqarnerminni allannguutissatut siunnersuut ataani allassimasoq saqqummiunneqarpoq:

“Naalakkersuisut peqquneqarput Ilulissani siunissami imermik pilersorneqarnissaanut pilersaarusiussasut qanolu aningaasalersorneqassanersoq. Ilanngullugu nuna tamakkerlugu imermik pilersuinermik pilersaarummik sanassasut. Pilersaarutit Inatsisartunut agguaanneqassapput UPA2024-imi.”

Tamatuttaaq Siumut ataani allassimasunik aamma allannguutissatut siunnersuuteqarpoq:

“Silaannaap kissatsikkiartornerata kingunerisaanik inoqarfinni imeqarfitt immikkut isiginiarneqarsinnaasut atuutiinnarnissaasa, kiisalu periafissat allat qanoq tulluussaneqarsinnaanerat pillugu Naalakkersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq Inatsisartunut UKA 2024-mi agguaanneqassaaq.”

Ataatsimiitaliap siunnersuummik suliaqarnera

Siullermeerninnermi siunissami imermik pilersuinerup nuna tamakkerlugu qulakkeerneqartariaqarnera amerlanerussuteqartunit taperserneqartoq ataatsimiitaliamit maluginiarneqarpoq. Siunissami imermik pilersuinerup qulakkeerneqarnissaa ataatsimiitaliamittaqa pingaartinneqartorujussuuvoq.

Naalakkersuisut allannguutissatut siunnersuuteqarnerminni UPA24-mi agguaanneqartussamik Ilulissani imermik pilersuinerup qulakkeerneqarnissaanik, aningaasartutuutissanut nunalu tamakkerlugu imermik pilersuinermut pilersaarusiortoqarnissaanik Naalakkersuisut suliaqarnissaannik peqquneqarput. Taamaalluni nuna tamakkerlugu erngup imerneqarsinnaasup ajornartorsiutaanera sumiiffinnilu assigiinngitsuni imermik pilersuinerup siunissami qulakkeerneqarnissaa pineqarpoq. Naalakkersuisut allannguutissatut siunnersuutaata aalajangiiffigisassatut siunnersuuteqartup siunnersuutaanit allaanerussutaa pingaardeq tassaavoq aalajangiiffigisassatut siunnersuutip annertusitinneqarnissaa taamaallunilu nuna tamakkerlugu UPA24-mut qanoq iliortoqarnissaanut pilersaarusiortoqarnissaanik aallaveqartoq. Siunnersuuteqartup aalajangiiffigisassatut siunnersuutaani Ilulissani imermik pilersuineq aallaavagineqarpoq tamannalu pillugu Naalakkersuisut nalunaarusiornissaannik peqquneqarput.

Aalajangiiffigisassatut siunnersuuteqartutut Siumut allannguutissatut siunnersuutigaa

Naalakkersuisut nalunaarusiornissaannik peqquneqassasut. Silaannaap kissatsikkiartornerata kingunerisaanik inoqarfinni imeqarfifiit immikkut isiginiarneqarsinnaasut atuutiinnarnissaasa periarfissallu allat qanoq tulluusaarneqarsinnaanerat pillugu nalunaarusiamiaallaavagineqassaaq. Nalunaarusiaq taanna UKA 2024-mi agguanneqassaaq.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut.

Ataatsimiitaliaq tassunga oqaaseqaatissaqanngilaq.

Ataatsimiitaliap inassuteqaatai:

- Minnerunngitsumik Ilulissani imermik pilersuineq immikkut pingaartinneqarnissaa Naalakkersuisunut ataatsimiitaliamit kaammattutigineqassaaq.
- Naalakkersuisut allannguutissatut siunnersuutaata akuersissutigineqarnissaa ataatsimiitaliamit isumaqatigiittumik inassutigineqarpoq.

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiitaliap siunnersuut aappassaaniigassanngortippaa.

Kristian Jeremiassen
Siulittaasoq

Bentiaraq Ottosen
Siulittaasup tullia

Mikivsuk Thomassen

Jens Kristian Therkelsen

Lars Poulsen